

**БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ
ДОМ НАРОДА**



Комисија за спољну и трговинску
политику, царине, саобраћај и
комуникације

**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
DOM NARODA**

Komisija za vanjsku i trgovinsku
politiku, carine, saobraćaj i komunikacije
Povjerenstvo za vanjsku i trgovinsku
politiku, carine, promet i veze

Broj: 02/2-50-8-23-15/25
Sarajevo, 14. 4. 2025.

**IZVJEŠTAJ O RADU
KOMISIJE ZA VANJSKU I TRGOVINSKU POLITIKU, CARINE,
SAOBRAĆAJ I KOMUNIKACIJE
DOMA NARODA
PARLAMENTARNE SKUPŠTINE BOSNE I HERCEGOVINE
ZA PERIOD OD 1. 1. DO 31. 12. 2024.**

Sarajevo, januar 2025.

S a d r Ź a j

UVOD

POGLAVLJE I. Sjednice Komisije

ODJELJAK A. Statistički podaci o sjednicama

ODJELJAK B. Zakonodavne aktivnosti

ODJELJAK C. Međunarodni sporazumi

ODJELJAK D. Godišnji izvještaji

ODJELJAK E. Ostali izvještaji i informacije

ODJELJAK F. Zaključci Komisije

POGLAVLJE II. Ostale aktivnosti Komisije

ODJELJAK A. Međunarodne aktivnosti

POGLAVLJE III. Rezime

Prilozi

Tabela 1. Pregled sjednica Komisije s tačkama dnevnog reda i prisustvom, 1. 1 - 31. 12. 2024.

Tabela 2. Prisustvo sjednicama Komisije, 1. 1 - 31. 12. 2024.

Prilog 3: Međunarodni sporazumi

Na osnovu člana 27. stav (2) Poslovnika Doma naroda Parlamentarne skupštine Bosne i Hercegovine („Službeni glasnik BiH“, br. 58/14, 88/15, 96/15, 53/16 i 71/24) i u skladu s Uputstvom o metodologiji izrade izvještaja o radu komisija Parlamentarne skupštine Bosne i Hercegovine (broj: 01,02-02-4-574-1/13 od 10. 4. 2014), Komisija za vanjsku i trgovinsku politiku, carine, saobraćaj i komunikacije Doma naroda Parlamentarne skupštine Bosne i Hercegovine podnosi Domu naroda Parlamentarne skupštine Bosne i Hercegovine sljedeći

IZVJEŠTAJ O RADU

(za period od 1. 1. do 31. 12. 2024)

Uvodne napomene

Osnovni cilj rada Komisije u izvještajnom periodu bio je da osigura kvalitetnu pripremu rada Doma naroda i što bolje i efikasnije funkcioniranje Doma, a time i Parlamentarne skupštine BiH, provođenjem općih opredjeljenja određenih Ustavom BiH i Dejtonskim mirovnim sporazumom, te politikom koju su utvrdili Predsjedništvo BiH, Vijeće ministara BiH i Parlamentarna skupština BiH, kao i ulogom i zadacima Doma naroda Parlamentarne skupštine BiH.

U skladu s članom 40. Poslovnika Doma naroda Parlamentarne skupštine BiH, Komisija za vanjsku i trgovinsku politiku, carine, saobraćaj i komunikacije:

- prati vođenje vanjske politike koju su utvrdili Predsjedništvo BiH i Vijeće ministara BiH;
- razmatra pitanja saradnje BiH s Ujedinjenim narodima i međunarodnom zajednicom;
- razmatra pitanja međuparlamentarne saradnje s odgovarajućim komisijama parlamenata drugih zemalja;
- razmatra pitanja saradnje s Vijećem Evrope, Interparlamentarnom unijom, Centralnoevropskom inicijativom i Organizacijom za sigurnost i saradnju u Evropi, te drugim međunarodnim organizacijama;
- razmatra pitanja rada s institucijama BiH kompetentnim za pitanja vanjskih poslova i međunarodnih odnosa;
- razmatra aktivnosti stalnih ili privremenih delegacija Parlamentarne skupštine BiH u međuparlamentarnim institucijama;
- razmatra pitanja saglasnosti za ratificiranje međunarodnih ugovora, sporazuma i konvencija;
- razmatra pitanja otkazivanja međunarodnih ugovora, sporazuma i konvencija;
- razmatra pitanja koja se odnose na vanjskotrgovinsku politiku;
- razmatra pitanja koja se odnose na sporazume o međunarodnoj trgovini;
- razmatra pitanja koja se odnose na carinsku politiku;
- razmatra pitanja koja se odnose na tarife, propise i zakone iz svoje oblasti;

- razmatra pitanja koja se odnose na međunarodne obaveze BiH;
- razmatra odnose s međunarodnim trgovinskim institucijama;
- razmatra pitanja koja se odnose na putne isprave;
- razmatra pitanja koja se odnose na boravak i kretanje stranaca;
- razmatra pitanja koja se odnose na uspostavljanje i funkcioniranje zajedničkih i međunarodnih komunikacija;
- razmatra pitanja koja se odnose na reguliranje međuentitetskog saobraćaja;
- razmatra pitanja koja se odnose na kontrolu zračnog saobraćaja;
- razmatra pitanja koja se odnose na kontrolu frekvencija;
- razmatra i druga pitanja iz oblasti međunarodnih i vanjskih poslova, vanjske trgovine, carina, saobraćaja i komunikacija.

POGLAVLJE I. SJEDNICE KOMISIJE

Odjeljak A. Statistički podaci o sjednicama

Kako je predviđeno Odjeljkom C. (Opće odredbe o komisijama Doma), članom 26. stav (2) Poslovnika Doma naroda Parlamentarne skupštine BiH: „Stalne komisije imaju šest članova, dok privremene komisije Doma mogu imati do šest članova. Komisije se popunjavaju srazmjerno klubovima naroda u Domu, od kojih su dvije trećine članova izabrani s teritorije Federacije BiH, a jedna trećina s teritorije Republike Srpske.“

U skladu s tim, članovi Komisije za vanjsku i trgovinsku politiku, carine, saobraćaj i komunikacije Doma naroda su: Safet Softić, predsjedavajući Komisije, Marina Pendeš, prva zamjenica, Radovan Kovačević, drugi zamjenik, Džemal Smajić, Zlatko Miletić i Želimir Nešković, članovi.

Sjednicu Komisije saziva predsjedavajući Komisije, u skladu s članom 30. Poslovnika, i to, u pravilu, pet dana prije održavanja sjednice, osim ako ne postoje opravdani razlozi za njeno sazivanje u kraćem vremenu.

Predsjedavajući Komisije, u saradnji sa sekretarom, organizira rad Komisije. Za svaku godinu priprema se radni plan, čiji su sadržaj i rokovi za realiziranje postavljeni okvirno, prema očekivanim aktivnostima na nivou Bosne i Hercegovine i prema potrebnoj koordinaciji s drugim tijelima nadležnim za vanjsku i trgovinsku politiku, carine, saobraćaj i komunikacije. Moguće je pomjerati rokove za razmatranje pitanja iz plana, zavisno od vremena dospijevanja materijala od nadležnih institucija, sa osnovnim ciljem da se materijali što kraće zadržavaju u Komisiji i u parlamentarnoj proceduri. Datumi održavanja svake sjednice, te prisustvo članova Komisije sjednicama mogu se vidjeti u tabelarnom prikazu (prilog).

Zavisno od dnevnog reda, odnosno broja materijala čije je razmatranje predviđeno za određenu sjednicu, određuje se i vrijeme trajanja sjednice. Treba napomenuti da se nikada tačno ne određuje trenutak završetka određene sjednice Komisije za vanjsku i trgovinsku politiku, carine, saobraćaj i komunikacije. Naime, uvijek se omogućava i ostavlja dovoljno vremena izvjestiocima, predlagačima i članovima Komisije da iskažu svoje mišljenje, stav ili postavite pitanje u vezi s materijalom o kojem se raspravlja.

Komisija je u izvještajnom periodu održala četiri sjednice:

- 11. sjednica	30. 1.	10 tačaka dnevnog reda
- 12. sjednica	18. 3.	5 tačaka dnevnog reda
- 13. sjednica	10. 10.	18 tačaka dnevnog reda
- 14. sjednica	11. 11.	15 tačaka dnevnog reda

Na sjednicama Komisije u 2024. godini razmatrano je ukupno 48 tačaka dnevnog reda, što je u prosjeku 12 tačaka po sjednici.

Komisiju u njenom radu opslužuje Ured sekretara Komisije. Opći i posebni poslovi koje obavlja Ured sekretara Komisije regulirani su čl. 21. i 29. Pravilnika o unutrašnjoj organizaciji i sistematizaciji radnih mjesta u Sekretarijatu Parlamentarne skupštine BiH. Aktivnosti na sjednici bilježi sekretar Komisije. U saradnji s predsjedavajućim, sekretar Komisije izrađuje zapisnik koji članovi Komisije usvajaju, u pravilu, na narednoj zakazanoj sjednici.

U Uredu sekretara zaposlena su tri državna službenika: sekretar Komisije Nenad Pandurević, stručna savjetnica Kristina Milošević i stručna saradnica Slavka Draganić.

Odjeljak B. Zakonodavne aktivnosti

U izvještajnom periodu Komisiji je dostavljen jedan zakonski prijedlog, i to:

- Prijedlog zakona o izmjeni i dopunama Zakona o osnovama sigurnosti saobraćaja na putevima u Bosni i Hercegovini, predlagač: Predstavnički dom, broj: 01-02-1-2192/23.

Prijedlog zakona razmatran je u Komisiji u prvoj komisijskoj fazi. Domu naroda je blagovremeno dostavljeno mišljenje. Dom naroda nije usvojio Prijedlog zakona u prvom čitanju.

Odjeljak C. Međunarodni sporazumi

U navedenom periodu razmatran je ukupno 31 međunarodni pravni akt. Spisak razmatranih međunarodnih sporazuma je u prilogu ovog izvještaja.

Nadležna ministarstva blagovremeno su obavještavana o razmatranju sporazuma iz njihove nadležnosti i njihovi predstavnici su prisustvovali sjednicama Komisije.

Za sve međunarodne ugovore razmatrane na sjednicama Komisija je blagovremeno dostavila izvještaje Domu naroda s prijedlogom Komisije za davanje saglasnosti za ratifikaciju.

Odjeljak D. Godišnji izvještaji

U toku 2024. godine na sjednicama Komisije razmatrani su sljedeći izvještaji o aktivnostima institucija BiH koje spadaju u nadležnost Komisije, i to:

1. Godišnji izvještaj iz oblasti poljoprivrede, ishrane i ruralnog razvoja za Bosnu i Hercegovinu za 2022. godinu;
2. Izvještaj o radu i Finansijski izvještaji Agencije za poštanski saobraćaj Bosne i Hercegovine za 2023. godinu;
3. Izvještaj o radu Državne regulatorne komisije za električnu energiju u 2023. godini.

Komisija je blagovremeno razmotrila sve dostavljene izvještaje, a Domu naroda dostavljena su mišljenja Komisije o svim navedenim izvještajima.

Odjeljak E. Ostali izvještaji i informacije

Osim izvještaja o radu, Komisija je u okviru svoje nadležnosti razmatrala i druge vrste informacija i dokumenata, od kojih izdvajamo samo najznačajnije:

1. Strateški plan ruralnog razvoja Bosne i Hercegovine za period od 2023. do 2027. - okvirni dokument;
2. Prijedlog izvještaja o radu Komisije za vanjsku i trgovinsku politiku, carine, saobraćaj i komunikacije Doma naroda PSBiH za 2023. godinu;
3. Prijedlog orijentacionog plana rada Komisije za vanjsku i trgovinsku politiku, carine, saobraćaj i komunikacije Doma naroda PSBiH za 2024. godinu.

Nakon razmatranja na sjednicama Komisije, pripremljeni su i Kolegiju Doma naroda, odnosno Domu naroda (u zavisnosti od sadržaja materijala) dostavljeni izvještaji o stavovima Komisije za svaki od navedenih materijala.

Odjeljak F. Zaključci Komisije

Komisija je u izvještajnom periodu razmatrajući dostavljene materijale usvojila dva zaključka.

- Na 13. sjednici, održanoj 10. 10. 2024, razmatrajući dostavljeni materijal Državne regulatorne komisije za električnu energiju, usvojen je sljedeći zaključak:

Komisija za vanjsku i trgovinsku politiku, carine, saobraćaj i komunikacije Doma naroda poziva Kolegij Doma naroda PSBiH da omogući da se Dom izjasni o Prijedlogu odluke o imenovanju članova Državne regulatorne komisije za električnu energiju iz Federacije BiH (akt Vijeća ministara BiH, broj: 01,02-34-1-401/23 od 17. 2. 2023), s obzirom na to da je Predstavnički dom na 4. sjednici, održanoj 23. 2. 2023, usvojio Odluku o imenovanju članova Državne regulatorne komisije za električnu energiju iz Federacije BiH. Napominjemo da je Suadu Zeljkoviću prvi mandat istekao 11. 6. 2021, a Nikoli Pejiću drugi mandat je istekao također 11. 6. 2021.

Zaključak je dostavljen Domu naroda.

- Na 14. sjednici, održanoj 11. 11. 2024, usvojen je sljedeći zaključak:

Dom naroda Parlamentarne skupštine BiH zahtijeva od Ministarstva vanjskih poslova BiH da, u skladu s odredbama Sporazuma o stabilizaciji i pridruživanju, hitno preduzme sve neophodne korake kako bi se od Evropske unije zatražilo ublažavanje restriktivnih odredbi Uredbe 2018/1806 Evropskog parlamenta i Vijeća o boravku državljana trećih država na teritoriji EU, te posebno da predloži da se u članu 6. stav 1. navedene uredbe nakon tačke c) doda nova tačka: „d) vozače autobusa i motornih teretnih vozila“.

Zaključak je dostavljen Domu naroda.

POGLAVLJE II. OSTALE AKTIVNOSTI KOMISIJE

ODJELJAK A. Međunarodne aktivnosti

Prezentacija o Transportnoj zajednici, Sarajevo, 26. 2. 2024.

Na inicijativu direktora Sekretarijata Transportne zajednice, a u organizaciji Komisije za vanjsku i trgovinsku politiku, carine, saobraćaj i komunikacije Doma naroda i Komisije za saobraćaj i komunikacije Predstavničkog doma Parlamentarne skupštine BiH, u Sarajevu je 26. 2. 2024. održana prezentacija o Transportnoj zajednici.

Prezentacija je organizirana za sve poslanike i delegate iz Parlamentarne skupštine BiH kao i za predstavnike nadležnih ministarstava i ostalih institucija iz Bosne i Hercegovine s nadležnostima u sektoru transporta. U ime Komisije za vanjsku i trgovinsku politiku, carine, saobraćaj i komunikacije Doma naroda prezentaciji su prisustvovali Safet Softić, Marina Pendeš, Radovan Kovačević i Želimir Nešković, članovi Komisije za vanjsku i trgovinsku politiku, carine, saobraćaj i komunikacije Doma naroda, te službenici Ureda sekretara Komisije.

Ured sekretara Komisije obavio je sve pripremne aktivnosti, te dostavio izvještaj o održanom sastanku.

Prezentacija direktora Energetske zajednice „Provođenje Ugovora o Energetskoj zajednici – kako stoji Bosna i Hercegovina“, Sarajevo, 20. 5. 2024.

Na inicijativu direktora Sekretarijata Energetske zajednice, a u organizaciji Komisije za vanjsku i trgovinsku politiku, carine, saobraćaj i komunikacije Doma naroda i Komisije za saobraćaj i komunikacije Predstavničkog doma Parlamentarne skupštine BiH, u Sarajevu je 20. 5. 2024. održana prezentacija o temi: „Provođenje Ugovora o Energetskoj zajednici – kako stoji Bosna i Hercegovina“.

Prezentacija je organizirana za sve poslanike i delegate u Parlamentarnoj skupštini BiH, kao i za predstavnike nadležnih ministarstava i ostalih institucija iz Bosne i Hercegovine s nadležnostima u energetske sektoru. U ime Komisije za vanjsku i trgovinsku politiku, carine, saobraćaj i komunikacije Doma naroda prezentaciji su prisustvovali Safet Softić, predsjedavajući, te Nenad Pandurević, sekretar, i Kristina Milošević, stručna savjetnica u Komisiji.

Sastanak Parlamentarnog plenuma Energetske zajednice, Beč, 23. 5. 2024.

Sastanak Parlamentarnog plenuma Energetske zajednice održan je u Beču, 23. maja 2024. U ime Parlamentarne skupštine BiH sastanku su prisustvovali Safet Softić, predsjedavajući Komisije za vanjsku i trgovinsku politiku, carine, saobraćaj i komunikacije Doma naroda, i Marina Pendeš, prva zamjenica predsjedavajućeg, te Nenad Pandurević, sekretar Komisije.

Ured sekretara Komisije obavio je sve pripremne aktivnosti, te dostavio izvještaj o održanom sastanku.

Prvi regionalni sastanak predsjedavajućih komisija nadležnih za hranu i poljoprivredu parlamenata zemalja Evrope i Centralne Azije, Tirana, 22. i 23. 10. 2024.

U organizaciji Regionalnog ureda Organizacije Ujedinjenih naroda za hranu i poljoprivredu (FAO) za Evropu i Centralnu Aziju i Parlamenta Republike Albanije, u Tirani je 22. i 23. oktobra 2024. godine održan sastanak predsjednika komisija za vanjske poslove parlamenata država članica Centralnoevropske inicijative. Sastanak je okupio parlamentarne delegacije iz 22 zemlje iz regiona Evrope i Centralne Azije. U ime Parlamentarne skupštine BiH sastanku su prisustvovali: Safet Softić, predsjedavajući Komisije za vanjsku i trgovinsku politiku, carine, saobraćaj i komunikacije Doma naroda, te Nenad Pandurević, sekretar Komisije.

Sastanak delegacije Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine Bosne i Hercegovine s delegacijom Islamske Republike Iran, Sarajevo, 28. 11. 2024.

Sastanak je održan u okviru posjete delegacije Ministarstva vanjskih poslova Islamske Republike Iran Bosni i Hercegovini povodom bilateralnih konsultacija između ministarstava vanjskih poslova dvije zemlje.

U ime Komisije za vanjsku i trgovinsku politiku, carine, saobraćaj i komunikacije Doma naroda sastanku su prisustvovali: Safet Softić, predsjedavajući Komisije, Nenad Pandurević, sekretar Komisije, Kristina Milošević, stručna savjetnica u Uredu sekretara Komisije, te Slavka Draganić, stručna saradnica u Uredu sekretara Komisije.

Sastanak Parlamentarnog plenuma Energetske zajednice, Brisel, 3. 12. 2024.

Sastanak Parlamentarnog plenuma Energetske zajednice održan je 3. 12. 2024. u Evropskom parlamentu u Briselu.

Sastanak Parlamentarnog plenuma vodila je Marina Pendeš, kao predstavnica iz Bosne i Hercegovine, zemlje koja ove godine predsjedava Energetskom zajednicom.

Sastanku je također prisustvovao Nenad Pandurević, sekretar Komisije za vanjsku i trgovinsku politiku, carine, saobraćaj i komunikacije.

Ured sekretara Komisije obavio je sve pripreme aktivnosti, te dostavio izvještaj o održanom sastanku.

POGLAVLJE III. R E Z I M E

Može se konstatirati da je Komisija za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH u 2024. godini blagovremeno realizirala sva zaduženja, odnosno razmotrila sve materijale iz svoje nadležnosti, kako bi pravovremeno mogli biti razmatrani u Domu naroda.

Rad Komisije u najvećoj mjeri zavisio je od materijala koje je dostavilo Vijeće ministara BiH, odnosno Predsjedništvo BiH.

Svi izvještaji, mišljenja i drugi akti iz nadležnosti Komisije blagovremeno su dostavljani predsjedavajućem Doma, odnosno Kolegiju Doma naroda na daljnji postupak.

Osim toga, članovi Komisije prisustvovali su i drugim sastancima i skupovima na kojima su razmatrane teme i pitanja iz nadležnosti Komisije.

Svojim radom Komisija za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH u 2024. nastojala je dati doprinos uspješnom radu Doma naroda.



Predsjedavajući Komisije
Safet Softić

Prilog:

Tabela 1. Pregled sjednica Komisije s tačkama dnevnog reda i prisustvom, 1. 1 - 31. 12. 2024.

Broj i datum održavanja		Broj razmatranih tačaka		Prisustvo članova (%)
11. sjednica	30. 1. 2024.		10	100
12. sjednica	18. 3. 2024.		5	83
13. sjednica	10. 10. 2024.		18	100
14. sjednica	11. 11. 2024.		15	83
Ukupan broj sjednica: 4		Ukupno tačaka: 48		Prosjek prisustva: 92%

Tabela 2. Prisustvo sjednicama Komisije, 1. 1 - 31. 12. 2024.

Sjednice/članovi	Safet Softić	Marina Pendeš	Radovan Kovačević	Džemal Smajić	Zlatko Miletić	Želimir Nešković	Ukupno
11. sjednica, 30. 1.	+	+	+	+	+	+	6
12. sjednica, 18. 3.	+	+	+	-(O)	+	+	5
13. sjednica, 10. 10.	+	+	+	+	+	+	6
14. sjednica, 11. 11.	+	+	+	+	+	-(O)	5
Ukupno	4/4	4/4	4/4	3/4	4/4	4/4	22/24
%	100	100	100	75	100	75	92

Legenda: (O) – Opravdano odsutan

Prilog 3. Međunarodni sporazumi

1. Ugovor o izmjenama i dopunama br. 1 na Ugovor o zajmu od 12. aprila 2022. godine (Zeleni gradovi 2 – *Window II* Vodovod Brčko) između Bosne i Hercegovine i Evropske banke za obnovu i razvoj (52273);
2. Ugovor o zajmu (Koridor 5c – Projekat Mostar sjever – Mostar jug) između Bosne i Hercegovine i Evropske banke za obnovu i razvoj;
3. Sporazum o zajmu (Dodatno finansiranje za Program integriranog razvoja koridora Save i Drine primjenom višefaznog programskog pristupa) između Bosne i Hercegovine i Međunarodne banke za obnovu i razvoj;
4. Protokol uz Sporazum o međunarodnom povremenom prijevozu putnika putničkim i običnim autobusima (INTERBUS Sporazum) u vezi s međunarodnim linijskim i posebnim linijskim prijevozom putnika putničkim i običnim autobusima;
5. Sporazum o zajmu između Bosne i Hercegovine i OPEC-ovog fonda za međunarodni razvoj za Projekat izgradnje dionice Nemila – Donja Gračanica na autoputu na Koridoru 5c (Zenica sjever) (dodatni zajam) ;
6. Sporazum između Evropske unije i Bosne i Hercegovine o učešću Bosne i Hercegovine u programu Unije za saradnju u oblasti oporezivanja „Fiscalis“ ;
7. Sporazum između Bosne i Hercegovine i Evropske unije o učešću Bosne i Hercegovine u programu „Građani, jednakost, prava i vrijednosti“ (CERC) 2021;
8. Sporazum o grantu Povjereničkog fonda br. TF0B8258 Bosna i Hercegovina: Grant za Projekat jačanja pripravnosti i reagiranja na vanredne situacije;
9. Sporazum o finansiranju za Interreg VI-B IPA Jadransko-jonskog programa (ADRION) za period 2021 - 2027. godine;
10. Amandman br. 3 na Ugovor o finansiranju, sklopljen između Bosne i Hercegovine Republike Srpske i Evropske investicione banke – Bolnice u RS/BC;
11. Sporazum između Republike Hrvatske, Bosne i Hercegovine i Crne Gore o provođenju „Programa Interreg VI-A IPA Hrvatska - Bosna i Hercegovina - Crna Gora 2021 – 2027“ ;
12. Sporazum o finansiranju za (Interreg VI-A) IPA Program prekogranične saradnje Hrvatska - Bosna i Hercegovina - Crna Gora;
13. Sporazuma o grantu – Grant investicionog okvira za Zapadni Balkan (WBIF) (Sufinansiranje programa integriranog razvoja koridora Save i Drine primjenom višefaznog programskog pristupa);
14. Sporazum o priznavanju stručnih kvalifikacija medicinskih sestara, veterinaru, farmaceuta i babica u kontekstu Centralnoevropskog sporazuma o slobodnoj trgovini;
15. Akti Svjetske poštanske unije (UNIVERSAL POSTAL UNION - UPU) usvojenih na 27. redovnom kongresu Svjetske poštanske unije, održanom u Abidžanu 2021. godine;
16. Sporazum između Vijeća ministara Bosne i Hercegovine i Vlade Republike Italije o uzajamnom priznavanju u oblasti zamjene vozačkih dozvola;

17. Međunarodni sporazum između Evropske unije, s jedne strane, i Bosne i Hercegovine, s druge strane, o učešću Bosne i Hercegovine u programu Unije Digitalna Evropa (2021 – 2027);
18. Sporazum između Vijeća ministara Bosne i Hercegovine i Vlade Republike Italije o ekonomskoj saradnji;
19. Sporazum između Republike Srbije i Bosne i Hercegovine za IPA III Program prekogranične saradnje „Srbija – Bosna i Hercegovina“ za period 2021 – 2027.;
20. Sporazum o finansiranju za Interreg IV-B IPA Program za dunavsku regiju za period 2021 – 2027. godine, između Evropske unije, Bosne i Hercegovine i Mađarske;
21. Amandman na Bilateralni sporazum između Vijeća ministara Bosne i Hercegovine i Compania Espanola de Seguros de Credito a la Exportacion, S.A., Cia de Seguros y Reaseguros S.M.E. (CESCE) potpisan 11. oktobra 1999. godine, o reprogramiranju vanjskog duga Bosne i Hercegovine;
22. Sporazum o zajmu (Projekat unapređenja geoprostorne infrastrukture i procjene vrijednosti nekretnina) između Bosne i Hercegovine i Međunarodne banke za obnovu i razvoj;
23. Izmjena i dopuna Sporazuma o zajmu i Projektnog sporazuma Republike Srpske između Bosne i Hercegovine i Međunarodne banke za obnovu i razvoj (Bosna i Hercegovina – Projekat oporavka i podrške firmama, broj kredita 9183-BA);
24. Ugovor broj 1 o Amandmanu na Ugovor o zajmu potpisan 12. aprila 2022. godine (GrCF2 W2 Javni prijevoz Sarajevo e-Mobility) između Bosne i Hercegovine i Evropske banke za obnovu i razvoj;
25. Ugovor broj 1 o Amandmanu na Ugovor o zajmu potpisan 1. februara 2023. godine (GrCF2 W2 E2 – Tramvajska pruga Ilidža – Hrasnica) između Bosne i Hercegovine i Evropske banke za obnovu i razvoj;
26. Sporazum između Evropske zajednice za atomsku energiju (EUROATOM) i zemalja koje nisu članice Evropske unije o učešću tih zemalja u aranžmanima Zajednice za ranu razmjenu informacija u slučaju radiološkog vanrednog događaja (ECURIE);
27. Globalna konvencije o priznavanju visokoškolskih kvalifikacija;
28. Konvencija Vijeća Evrope o kinematografskoj koprodukciji (revidirana);
29. Sporazum o finansiranju ponovnog uspostavljanja zajedničke stalne izložbe u Bloku 17 Državnog muzeja Aušvic - Birkenau;
30. Sporazum između Evropske unije i Bosne i Hercegovine o pridruživanju Bosne i Hercegovine Programu EU4Health;
31. Sporazum između Vijeća ministara Bosne i Hercegovine i Populacijskog fonda Ujedinjenih naroda.